


# Injil untuak anak-anak hadiah



Manusia  
Api



Ditulih oleh: Edward Hughes

Diilustrasikan oleh: Lazarus  
Alastair Paterson

Diadaptasi oleh: E. Frischbutter

Diterjemahkan oleh: Yulia Anggraini

Diproduksi oleh: Bible for Children  
[www.M1914.org](http://www.M1914.org)


©2023 Bible for Children, Inc.

Lisensi: awak punyo hak manyalin atau mancetak carito iko,  
salamo awak indak manjual nyo.




Sagalo sesuatu nampak buruak untuak Israel. Sang Rajo dan Ratu mambanci Tuhan. Sungguah suatu contoh yang buruak! Sacapeknyo urang-urang ikuik mambanci Tuhan dan manyambah allah-allah palasu.

Apokah ado surang urang yang mancintai Tuhan?



Ya, ado babarapo urang panyambah yang panuah iman. Suatu hari, Tuhan mangecek ka salah surang dari urang-urang itu, namonyo Elia.



Elia bakato ka Rajo  
Ahab yang jaek. "Demi  
Tuhan yang iduik. Allah  
Israel yang kulayani,  
sasungguahnyo indak  
akan ado ambun atau  
ujan pado tahun-  
tahun ko. Kecuali  
kalau kukatoan," iko  
bararti kalaparan!  
Tuhan indak mainginan  
umaikNyo Israel  
tingga dalam  
kajahatan.






Sasudah  
mamparingati  
sang Rajo.  
Tuhan

mangirim Elia  
ka suatu tampek  
sunyi di Nagari  
itu. Disitu,  
dipinggia  
sungai, Elia

manunggu Tuhan mangiriman buruang gagak untuak  
mambari nabi Elia makan. Buruang-buruang itu  
mambawo roti dan dagiang, pagi dan patang,  
Dan Elia maminum aia sungai.



Indak lamo  
sasudah  
itu, sungai  
manjadi  
kariang,  
sabab  
indak ado  
ujan turun  
dinagari  
itu. Firman



Tuhan manjadi kanyataan. Saluruah nagari mangalami kakariangan. Jaguang-jaguang indak tumbuah. Sado urang kalaparan. Mungkin Elia mangiro itu akan tajadi padonyo kini sabab aia alah kariang.



Tuhan bakato ka Elia, "Basiaplah, pai ka Sarfat yang tamasuak wilayah Sidon, dan diamlah disitu. Katauilah, Aku alah mamarintahan surang jando untuak maagiah kau makan,"

Tuhan mangataui kaparaluan-kaparaluan hambaNyo.





Tapi iko adolah caro  
yang ganjia untuak  
maagiah makan.  
Jo randah hati Elia  
manaati Tuhan.  
Katiko inyo sampai  
di Sarfat, jando itu  
ado di pintu masuak  
kota sedang

mangumpuaan  
kayu baka.



"Cubolah ambiak untuakku  
saketek aia dalam kendi,"  
Elia mamintak ka  
padusi itu. "Cubolah  
ambiak pulo untuakku  
sapotong roti bulek,"  
"Sasungguahnyo indak  
ado roti saketekpun  
padoku,"  
jando  
itu  
manjawek.


"Hanyo  
saganggam  
tapuang dalam  
tampayan dan  
saketek minyak  
dalam guci  
ketek."




Dengan sadih,  
padusi itu bakato  
kapado sang nabi  
kalau alah abih,  
inyo dan anaknyo  
akan mati  
kalaparan.




"Jan takuik, bueklah labiah dulu untuakku sapotong roti bulek ketek, sasudah itu barulah kau buek untuakmu dan untuak anakmu," "Tapuang dalam tampayan itu indak ka abih dan minyak dalam guci ketek itupun indak ka bakurang sampai pado wakatu Tuhan mambari ujan ka ateh muko bumi," Tuhan ka mangarajoan satu mujizat.



Dan Inyo malakukannyo! Wanita dan anaknyo mandapek makan salamo babarapo wakatu, tapuang dalam tampayan itu indak abih dan minyak dalam guci ketek itu indak kariang.



Elia tinggal basamo mereka, suatu hari, kaadaan yang manyadiahan tajadi, anak jando itu maningga. Elia mambawo mayat anak laki-laki itu ka ateh ka



kamarnya. Inyo baseru ka Tuhan, Katonyo, "Ya Tuhan. Allahku, aku badoa, pulanganlah kironyo nyawo anak ko ka dalam tubuahnyo." Suatu doa yang sangaik indak mungkin.



Tuhan mandanga parmintakan Elia  
dan nyawo anak itu pulang ka  
tubuahnya, sahinggo inyo iduik  
baliak. Katiko Elia mambawo anak  
itu dan mambarian kapado Ibunyo,  
ibu itu bakato, "Kini dengan iko  
aku tau, kalau Firman  
Tuhan yang kau  
katoan itu adolah  
batua."




Tigo tahun sasudah itu Tuhan baliak mangiriman Elia kapado Rajo dan bakato, "Aku akan mangiriman ujan ka ateh muko bumi."






Pai manamui Ahab? Istri Ahab Izebel alah mambunuah saratuih nabi Tuhan. Tapi Elia indak badebaik jo Tuhan, Inyo pai manamui Rajo Ahab.



Katiko duo urang ko batamu,  
Elia manantang Ahab untuak  
mangumpuaan kasado  
urang Israel dan 850  
nabi-nabi palasu, di  
satu tampek yang  
banamo Gunung  
Karmel, Elia mangecek  
ka sado urang, "Kalau  
Tuhan itu Allah,  
Ikuiklah jo Inyo."



Elia manyiapan duo ikua jawi jantan sabagai pasambahan. Tapi indak ado api yang bisa digunoan untuak mambakanyo. "Bialah kau mamanggia namo allahmu dan akupun akan mamanggia namo TUHAN," inyo bakato. "Mako allah yang manjawek jo api, inyolah Allah!" "Eloklah baitu," saluruah rakyaik manyauik.



Dari pagi sampai patang nabi-nabi palasu itu mamanggia allah palasu urang-urang itu. Mereka malompek dan manari dan manoreh-noreh dirinyo jo pisau sampai badarah. Tapi api indak juo datang.





Sasudah itu Elia mambasahi kayu dan kurban pasambahan itu jo aia sahinggo basah kuyuik, dan badoa. "Ya TUHAN, pado hari ko bialah dikataui urang, kalau Kaulah Allah ditangah-tangah Israel..." Sasudah itu api dari TUHAN turun. Mambaka jawi jantan jo kayu. Sasudah itu mambaka pulo altar batu itu.



Katiko saluruah rakyaik mancaliak  
kajadian itu, urang-urang itu baseru,  
"TUHAN, Inyolah Allah!" Dan Elia  
bakato, "Tangkoklah nabi-nabi Baal itu.  
Surangpun dari urang-urang itu indak  
buliah lapeh!" Elia mangarajoan  
apo yang

saharusnyo  
dikarajoan  
oleh Rajo  
Ahab

batahun-tahun sabalunnyo.



Sasudah itu hamba Tuhan  
itu bakato kapado Ahab  
kalau ujan akan sacapeknyo  
turun. Indak lamo sasudah itu  
sagumpa awan ketek nampak.  
Apakah ujan akan sacapeknyo  
turun? Sasudah labiah dari  
tigo

taun maso kakarianan  
yang  
hebat?





Dalam sakijok mato,  
langik barubah manjadi  
kalam karano awan  
hitam dan angin, dan  
turunlah ujan labek.  
Tuhan mangiriman ujan.  
Tuhan manunjuakan  
kapado saluruah  
rakyaik kalau apo yang  
dikatoan Elia itu batua.  
Tuhan manunjuakan  
kalau Baliaulah Tuhan  
yang sabananyo.





Apakah kau bapikia kalau  
Rajo Ahab ka manghormati  
Tuhan dan Elia HambaNYo?  
Indak! Pado kanyataannyo,  
Izebel mancubo untuak  
mambunuah Elia, Tapi  
Elia malarian diri. Pado  
akhirnyo Ahab mati  
dalam paparangan dan  
hamba-hamba mandorong  
Izebel dari tembok istana  
yang tinggi. Inyo jatuhah  
manimpo sabuah  
batu dibawahnyo  
dan maningga.





Apo yang tajadi jo Elia?  
Suatu hari Tuhan mangirim  
kereta barapi jo kudo barapi,  
dan Elia, manusia api Allah,  
tarangkek ka sarugo  
dalam angin badai.



Manusia Api

Sabuah carito dari firman tuhan, Injil

Didapekan di

Kisah 1 Rajo-rajo 17-19,  
2 Rajo-rajo 2

"Jalan masuak firman-firmanNyo mambarikan  
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

